

զի 'ի դէպ ժամանակի ցուցունել զայն, յորմէ չունէին Հայք ընտիրն տեղեկութիւն: Այլ այս ատեւութիւն նոցին ոչ միայն էր ընդդէմ Հայոց՝ այլ և Լատինաց, հակառակ Կայսերական դաշնագրոյն: Եւ զի մի յայտնի լիցի գործն, այլով իմն եղանակաւ առին զայն 'ի գանձատունէ (Մալկէ): Այլ Լատինք յորժամ իրազգաց եղեն այսմ, ետուն ջնջել և բառնալ 'ի միջոյ զհրովարտակն զայն յարձանագրութենէ դիւանին՝ ձեռամբ Դեսպանին Գաղղիոյ, և յանդիմանեցաւ Յոյն պատրիարքն Երուսաղէմի: Իսկ Հայք գոլով ազգանջօր և անկարող՝ կարօտին միայն շնորհաց և գթութեան բարերար Տեառնդ: Յոյնք 'ի սմին նուազի բացայայտ ետուն դրել 'ի հրովարտակին զիոքը 'գմբեթն 'ի վերայ Գերեզմանին Քրիստոսի, զի 'ի մնասիլ նորին՝ ինքեանք չինեցեն, և այս դիտաւորութիւն նոցին՝ ոչ միայն վասն Լատինաց է, այլ նաեւ վասն Հայոց. և 'ի հաստատեալ հրովարտակի նոցին զոր պահեալ են՝ յիշին նաեւ Հայք, և յայսմ յամենայնէ յայտնի լինելով ատեւութիւն նոցին, կոսկածիմք և մանաւանդ թէ երկնչիմք իսկ, մի՛ գուցէ սակաւ առ սակաւ յափշտակեալ զիրաւունս մեր բարձցեն 'ի միջոյ:

Ի կարգս անհիմն բանից դասելի է և այն սնոտի պատճառանք նոցին, զոր յօդեն 'ի վերայ Հայոց, իբր նոքա ասպաւինեալ են միշտ 'ի շնորհս դատաւորին Երուսաղէմի: Սակայն ըստ տրամադրութեան վաւերեալ թղթոց մերոց, և Տէր Բեռքէ հրովարտակին Յունաց, կարի դիւրին է յայտնել զարդարութիւնն և զիրաւունս, զի զօրութիւնք վաւերեալ գրոցն Հայոց և եղելութիւնք գործոյն, յայտնի հռչակեալ է անդ յԵրուսաղէմ. ոստիկանք և պաշտօնեայք նորոգութեան ցարդ կան մնան անդ, և Տէրութիւնն ունի կատարեալ վստահութիւն 'ի վերայ նոցա, և գիտէ զհաւատարմութիւն նոցին, չմնայ այլ եւս ունին դնել բանից Հայոց և Յունաց, զի 'ի ժամանակի արդարասէր Թագաւորութեան ձերոյ սահմանեցաւ աշխարհի օրէնք արդարութեան, գթացէք ուրեմն 'ի վերայ տառապեալ և անկարող աղքատացն Հայոց, և սակս կարգադրութեան գործոց նոցին: Դատաւորն եւ պաշտօնեայք չինութեան եւ ընակիչք քաղաքին եղիցին վերակացուք, անկողմնակալ